

L'amanti Maladetti

Per la manu à listessu passu
Fughjendu u paese accanitu
In la filetta si sò chjinati
In quella machja ultima casa
U core à strappà lu pettu
È l'ochji pieni di lume crosciu
Ma ci hè un locu in muntagna
Chì mancu d'estate ùn vole siccà.

U ghjornu avia figliulatu
Di a so notte à più nera
Ancu lu tonu ci si era messu
Cum'è à vulelli cundannà
E campane di u scandalu
Si sò tutte messe à sunà
Ma ci hè un locu in muntagna
Chì mancu d'estate ùn vole siccà.

Sunate puru campane inferne
L'amore ùn hè da criticà
E vostre voci à noi sò mute
Ùn le vulemu ascultà
Nunda quì ci pò mantene
E pieni ùn si ponu parà
Ma ci hè un locu in muntagna
Chì mancu d'estate ùn vole siccà.

Da poi ùn sò mai più ghjungi
Pare ch'elli sò sempre in machja
Amutuliti i paisani
Ùn anu più nimu à spazzà
Da l'amanti maladetti
Nimuùn ne vole più parlà
Ma ci hè un locu in muntagna
Chì mancu d'estate ùn vole siccà.